



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Hermes Theologicvs, Id est Synopsis totius Theologiæ,
perspicuè, doctè, subtiliter, ac breviter discussa**

Et In octo Partes ... distincta ...

De Deo Vno, & Trino

Vindalium, 1646

Sect. II. De perfectione, & bonitate Dei.

urn:nbn:de:hbz:466:1-38742

SECTIO II.

De Perfectione & Bonitate Dei.

CONCLVSION I.

Deus non est tantum perfectus, sed etiam summè perfectus.) Prior pars probatur: nam perfectum illud dicitur cui nihil deest ad suum complementum naturale. At Deus eadem necessitate qua est ens à se, habet omnem perfectionem sibi connaturaliter debitam, neque ea vi alicuius agentis extrinseci priuari potest, siue ex toto, siue ex parte.

Vbi aduerte quòd et si creaturæ dici possint perfectæ, quatenus habent perfections ad suum statum connaturalem requiras, siue eæ ad entitatem spectent, siue ad operationem, siue ad asecuracionem finis; Deus tamen in eo genere multò est perfectior, cum prædicta habeat longè nobiliori modo quàm creaturæ, ut notat S. Doct. i.p.q 6.art.3. In primis enim Deus essentialiter, & à se est ens actuale, creaturæ verò sunt de-

pendenter ab agente extrinseco; essentia Dei per seipsum operatur, res autem creatæ per varias potentias & accidentia: Deus tandem per seipsum beatus est, alia vero beatitudinis obiectum extra se habent.

Secunda pars ostenditur, quia illud dicitur summè perfectum, cui absolute nulla deest perfectio: at Deo absolute nulla deest perfectio, cum enim ipse sit fons rerum omnium existentium; nihilque sit possibile nisi per ordinem ad potentiam illius, necesse est ut omnem omnino perfectionem aliquo modo in se præ habeat.

Confirmatur, nam Deus est id quo nihil maius, aut perfectius excogitari potest: quare non tantum debet habere omnem perfectionem sibi debitam, sicut pleræque res habent, iuxta statum suum; sed etiam omnis perfectio, in tota latitudine entis, concipi debet ut illi debita, eique necessariò, & essentialiter competens: alias posset aliquid cogitari melius, & perfectius Deo, quod repugnat. Vnde Dion. cap. 5. de diuinis nominibus, ait Deum non modo esse existentem, sed simpliciter, & incircumscripè totum in seipso esse uniformiter accipere.

48 . I T R A C T A T V S

C O N C L V S I O II. Aliquæ per-
fectiones sunt in Deo formaliter , aliæ
eminenter duntaxat.) Ut hoc intelligas
nota perfectiones esse duplicis generis,
aliæ enim dicuntur simpliciter simpli-
ces, aliæ simplices secundum quid ; per-
fæctio simpliciter simplex dicitur illa,
quæ in quolibet ente, ut ens est, melior
est ipsa quam non ipsa. Simplex verò
secundum quid , quæ non ita se habet;
quo posito.

Dico primò, perfectiones prioris ge-
neris esse formaliter in Deo, qua parte
in suo conceptu formali dicunt perfe-
ctionem ; sic enim Deus dicitur forma-
liter viuens , intelligens , sapiens, &c.
Imò Deus non tantum identicè , sed
etiam essentialiter est vita, intelligentia,
& sapientia ex supradictis , quia tamen
istæ perfectiones in creatis dicunt im-
perfectionem, cum sint finitæ, & in ge-
nere accidentis , hoc modo non possunt
esse in Deo formaliter sed tantum emi-
nenter , iuxta iam dicenda.

Dico secundò, perfectiones posterio-
ris generis esse tantū eminenter in Deo :
cum enim dicant imperfectionem , non
potest spectare ad consummatam Dei
perfectionem, quòd eas formaliter con-
tineat: sufficit ergo quod illas contineat
eminenter,

DE DEO. CAP. II. 49

eminenter, eo videlicet sensu, ut possit Deus sua virtute perfectiones illas producere in creaturis, & per seipsum efficere, quicquid illæ præstant in genere causæ efficientis.

Ex iis autem colligi potest 1. creaturas esse Deo similes secundum similitudinem quandam analogicam, eò quòd illarum perfectiones sunt in Deo longè nobiliori modo quam in ipsis: quamuis admittendum non sit, quod Deus sit similis creaturæ, ut notat S. Thomas q. citata art. 3.ad 4.& multò minus quod Deus sit aliqua res creata, aut quod res aliqua creata sit Deus.

Collige 2. Nomina communia Deo & creaturis non dici de illis vniuocè, neque etiam æquiuocè, sed analogicè; quatenus perfectiones iis significatæ, sunt quidem in creaturis, non æqualiter ac in Deo, sed modo inferiori, & cum ordine ad illum; qua de re vide S. Thomā I. p. q. 13. art. 3.

C O N C L V S I O III. Deus est summè bonus) Probatur: nam tripliciter aliquid potest dici bonū. 1. quatenus bene seu consentaneè ad rectam rationem operatur. 2. quatenus est conueniens vel sibi vel etiā alteri, & ab eo appetibile. 3. quatenus bonū idem est ac perfectū. At de. Deo.

C

Deus his omnibus modis est sūmē bonus, cū ipse sit rectus & sāctus in omnibus operibus suis, habeat statū sibi maximē conuenientē, & à creaturis omnibus, tanqñā summū earum bonū, pro cuiusq; modulo appetatur; perfectionesque omnes possibiles essētialiter possidear.

Dices, summum bonum debere excludere omne malum, ergo, &c. Respondeo, summum bonum debere excludere omne malum, à subiecto in quo est, non autem ab aliis, quorum respectu se habet extrinsecè.

Quo loco aduerte 1. esse bonum per essentiālē esse propriū solius Dei, ut rotat S. Doctor art. 3 & satis intelligi potest ex dictis concl. i. quæ enim ibi de perfectione Dei allata sunt, ad illius bonitatem æquè pertinent, cùm bonum & perfectum idem sint.

Aduerte 2. ex art. 4. quòd etsi Deus communicet bonitatem suam creaturis in genere causæ efficientis, exemplaris, & finalis; res tamen quælibet dicitur bona formaliter, à bonitate sibi inhærente, quæ non est ipsa bonitas diuina, sed quædam exigua illius similitudo, & participatio.

Neque refert quòd Deus dicatur bonum omnis boni, non enim sensus est, quòd creaturæ sint tantum bona ex-

trinsecè, idque à bonitate diuina, habent enim propriam & internam bonitatem; aut quòd bonitas diuina singulis rebus inhæreat, siquidem Deus in nullius rei compositionem venire potest, ex supradictis: Deus ergo dicitur bonum omnis boni, quia causat omnem bonitatem creaturatum modis prædictis. Hinc intelligis præclarum illud Augustini 8. de Trinit. 3. Bonum hoc, & bonum illud, tolle hoc, & illud, & vide ipsum bonum si potes, ita Deum videbis, non alio bono bonum, sed bonum omnis boni.

SECTIO III.

De simplicitate Dei.

CONCLUSIO I.

Deus non est corporeus nec cōpositus ex materia & forma.) Prima pars est de fide contra Audianos, seu Anthropomorphitas, probaturque primò ex Scriptura, quæ docet simpliciter Deum esse spiritum, & indiuisibilem, lucemque habitare inaccessibilem, ex quibus Patres colligunt, Deum esse formaliter

C 2